

RUDY CARTI LO FORMA PARTI DI PARTIDO P.D.A.



ORANJESTAD (AAN): Durante un Conferencia di Prensa convoca na Kowloon Restaurant, Partido PDA a dicidi pa cuminsa presenta un parti di e desarojo di programa den forma nobo cu lo tuma lugar.

E presentacion principal durante e conferencia tabata e introduccion na pueblo cu Rudy Carti lo fungi como Secretario pa Asuntonan di Juventud y Deporte pa Partido PDA.

Dr. Leo Berlinski a splica cu den e renobacion di Partido, PDA a busca candidato nan cu semper a demostra seriedad, y cu den pasado a muestra cu nan tin responsabilidad y principalmente tin amor patria.

El a introduci Rudy Carti, kende a nace na Aruba dia 7 di Februari 1957, y despues di atende John Wesley College el a bay pa highschool na London Ontario (Canada), sigui despues pa University of Western Ontario.

Na aña 1979 el a logra diploma di educador den Physical Education. Na aña 1984 el a logra su di segundo diploma como Fisiotherapeut. Na aña 1988 el a caba cu un estudio na University of Toronto pa bira experto den rehabilitacion.

Rudy Carti ta conoci como e prome cu a bini cu cursonan di Aerobics na TV y campeonato di Aerobics na Aruba. El a organiza tambe e Health-center pa Golden Tulip. Na 1991 e tabata un promotor den e Festival Aruba Sano y Limpi. Tambe por menciona e hazaña di subimento di Hooiberg caminda el a re-

cauda fondo pa e organizacion di Aruba Yuda Bo Prohimo.

E ta activo keto bay den deporte, hungando Futbol pa SCA, y tambe Basketball, etc.

Den Rudy Carti, PDA a logra un persona cu no solamente ta traha pa comunidad pa hopi aña caba pero demostrando amor propio y pa juventud, pero mas bien ta algo cu candidatonan den politica mester demostra.

Rudy Carti a relata na su turno cu ta un honor pa worde inclui den PDA, mostrando riba varios cambio den e partido.

E ta pensa cu mester bin hendenan nobo cu ta asumi responsabilidad manera mester ta. E idea di dje ta pa bini cu oficina pa yuda juventud cu problema social. Tin hopi joven cu mester di guia necesario, pasobra nan ta nos futuro.

"Ami kier bira e persona caminda jovennan por haya contact cu mi pa asina mi por bay mas leu pa yuda nan," el a bisa. El a hasta duna su number di telefon 37110 pa jovennan yame.

El a papia tambe di falta di disciplina den deporte, manera umpire y referee mester worde considera como hopi importante tambe pa yuda den esaki.

E ta opina cu mester trece mas clinics na Aruba y tambe traha mas cu schoolnan pa yuda nan na edad joven tocante disciplina y guianan prome cu ta laat.

Principal pa PDA ta pa joven y deportistanan tin oportunidad pa sinta papia y mira con pa drecha situacion.

Riba otro tema, Dr. Berlinski a papia riba e hecho cu democracia manera ta eherce den PDA ta unico, caminda ta mayoria ta dicidi pero nan ta considera toch e opinion di minoria.

E lista di Partido PDA no ta completamente yen ainda, pero segun Dr. Berlinski nan ta mas preocupa pa trece un lista balanza pa pueblo.

HURAMENTACION NA ALGEMENE REKENKAMER



Señora E.M.de Cuba, kende a keda nombra como secretario-interino na e Camara di Controlaria General awe a huramenta cerca sr.H.Th.Lopez (presidente Algemene Rekenkamer) den presencia di e colegio completo y secretario di e Camara di Controlaria General. Tambe a presta huramento sra.Regina Rey-Werleman como "controle medewerkster".

Amc. UNICON



PA BIBA MIHOR Tomatenstraat s/n

CARNAVAL SALES

PROFIELBUIZEN:

- * 15X15X2 mm, Afls.: 17,50
- * 25x25x2 mm, Afls.: 22,=-
- * 30x30x2 mm, Afls.: 27,=-

Galv. platen, 0,75 mm,
2x1 meter - Afls.: 37,=-

Galv. platen, 1 mm,
2x1 meter - Afls.: 52,=-

Zwarte platen, 1 mm,
2x1 meter - Afls.: 35,=-

Zwarte platen, 8 mm,
2x1 meter - Afls.: 247,=-



TELEFONAN DI DIARIO
22207-26747-35026-35023

MIHOR CALIDAD-MIHOR PRIJS-MIHOR SERVICIO